

四庫全書

子部

欽定四庫全書

子部

唐開元占經卷三十一

詳校官中書臣李采

靈臺郎臣倪廷梅覆勘

總校官編修臣王燕緒

校對官庶吉士臣潘曾起

謄錄監生臣任楫文

欽定四庫全書

唐開元占經卷三十

唐瞿曇悉達撰

熒惑占一

熒惑名主一

黃帝占曰熒惑一曰赤星 廣雅釋天篇曰熒惑一曰
罰星或曰執法 荊州占曰熒惑居東為懸息西方為
天理南方為熒惑其行無常司無道之國 吳龔天官

書曰熒惑火之精其位在南方赤帝之子方伯之象也
為天候主歲成敗司察妖孽東西南北無有常出則有
兵入則兵散周旋止息乃為死喪 詩緯含神霧曰熒
惑司實 春秋緯曰熒惑主候守 春秋緯曰熒惑主
禮成天意禮失則妄為妻妾為嗣精感類應則熒惑逆
見變怪 石氏曰熒惑主憂主南維主於火日主丙丁
主禮禮失者罰出熒惑之逆行是也此失夏政也以
其所守之舍命其國 石氏曰熒惑者天子之禮也東

西南北無有常五月而出 石氏曰熒惑主大鴻臚主
死喪 巫咸曰熒惑者太白之雄也五星之伯也其色
赤勝太白 巫咸曰熒惑主憂患過惡禍福所由坐也
洪範五行傳曰熒惑於五常為禮辨上下之節於五
事為視明察善惡之事也禮虧視失逆夏令則熒惑為
旱災為饑為疾為亂為死喪為賊為妖言大恠也 班
固天文志曰逆夏令傷火氣罰見熒惑 淮南天文間
詰鴻烈曰南方火也其帝祝融其佐朱明執衡而治夏

衡平也

其神為熒惑其獸為朱雀其音徵其日丙丁又曰

出入無常辨其變其色時見時匿 班固天文志曰熒

惑天子理也故曰雖有明天子必視熒惑所在 郝萌

曰熒惑為司馬 荊州占曰熒惑火之精其神上為熒

惑其國荊楚 又曰主吳越以南 荊州占曰熒惑天

一候者司萬物之變 荊州占曰熒惑上承天一下主

司天下人臣之過司驕司奢司禍司賊司饑司荒司死

司喪司正司直司兵司亂司惑灾殃無不主之 荊州

占曰王者禮義熒惑不留其國凶殃熒惑罰之 韓楊
曰熒惑之為言熒或以像讒賊進退無常不可為極

韓楊曰熒惑火行之星其理也主諸侯 韓楊曰熒惑
為天一候犯逆留隱其雷鳴臣子主社稷傾五精并聚
弑成刑出西反明主不熒受命興起天下平變色失行
所留者亡所抵有兵 韓楊曰熒惑修禮順則喜逆則
怒 石氏曰熒惑躁急促疾主南方從巳至未南方夏
氣所治位也盛陽在上微陰在下尊卑承養物禮也言

失夏政封錫逆天則熒惑有變 韓楊曰熒惑入列宿
其國有殃 韓楊曰熒惑所止為其國君死 海中占
曰熒惑法使行無常

熒惑行度二

洪範五行傳曰熒惑以上元甲子歲十一月甲子朔旦
冬至夜半甲子時與五星俱起於牛前五度順行二十
八宿右旋二歲一周天也

紫應法熒惑一終七百七十
九日一千三百四十分日之

一千二百二十奇六
十二歲強一周天

樂動聲儀曰徵音和調則熒惑

日行四十二分度之一伏五月得其度不反明從海則動應致焦明至則有雨備以樂和之 春秋文耀鉤曰

熒惑東行急一日行一度半其行東西南北疾兵各聚其下主以煩穢若自恣招禍謀用戰順之勝逆之敗

石氏曰熒惑行率變百五十六日而行八十三度

舊四分及

景初象家
准法皆同

甘氏曰熒惑之東行也急則一日一夜行

七寸半其益此則行疾疾則兵聚於東方熒惑之西行疾則兵聚於西方其南其北為有死喪其南丈夫之

喪其北女子之喪 甘氏曰熒惑法東方修緯及常十

六舍而止逆行西運動以成章舍一舍半 巫咸曰熒

惑休入常不得過五月而出遠八月而出受制則舉賢

良賞有功主封侯出財貨行賑貸 荊州占曰熒惑日

行一尺以上期五月至十五日而廢五寸以上期十五

月至二十五月而廢三寸以上期二十五月至三十月

而廢一寸以上期三十月至五十月廢諸廢期月或皆

為日 荊州占曰熒惑順行而其國有道 又曰熒惑

出東方行順即其國吉 尚書緯曰氣在初夏其紀熒惑是謂發氣之陽可以毀消金銅與氣同光使民備火皆清室堂是謂敬天之明必勿行武與季夏相輔初是夏之時衣赤與季夏同期如是則熒惑順行甘雨時矣

熒惑王相休囚死三

甘氏曰熒惑之相也從立春至春之盡其色則當精明無角芒 甘氏占曰熒惑之王也從立夏以至夏之盡其色如赤則當比心大星而精明仲夏之時有芒角 甘

氏曰熒惑之休也從仲夏以至夏之盡及四季王時其
色則當無精明黑黃 甘氏曰熒惑之囚也從立秋以
至秋之盡其色則當青白止不行 甘氏曰熒惑之死
也從立冬以至冬之盡其色則當細小黃黑而不明此
熒惑色之常也其色和經天下和平 甘氏曰當其相
也而有王色所居之國受殃有休色讒臣誅國相免有
囚色國有捕囚及於將相有死色大臣誅傷其留守也
其國兵起其進舍也有蟲蝗五穀傷其退守也赤地千

里 甘氏曰當其王也而有相色蔽主聰有休色政令
不行有囚色讒臣用事王路不通有死色則有大喪其
留守也不可舉事用兵其進舍也其國不祥其退舍也
有旱殃 甘氏曰當有休色而有王色所居之舍其國
受禍有相色國亂百官不從有囚色有小兵有死色盜
賊橫行訛言廟堂有火災所居之舍其國受殃其進舍
也火傷其退舍也利舌危 甘氏曰當其囚也而有王
色大臣逃亡有相色臣下毀傷有休色使者冠蓋相望

有死色白衣成行丁男從獨有老公所守之舍道路不通其進舍也兵殃其退舍也談言訕訕 甘氏曰當其死色而有王也宗廟不享有相色大臣攝行有休色是謂不祥宗廟失火邊有侵地有囚色丁壯多死以兵所留舍其國君遂亡開其府庫出其甲兵四十餘日破亡其進舍也數多微風其退舍也流水蕩蕩

熒惑光色芒角四

甘氏曰候熒惑以夏丙丁此王氣當如其常色變則失

所也 郗萌曰熒惑色變一見一伏求之所不可得奎
之目辰之心參之右肩龍之左角畢之右股此五星也
類此色即熒惑也 荊州占曰熒惑色以畢右星為正
一曰比心中央星 推度灾曰熒惑黑圓為水喪 春
秋緯曰主亂虛而侵殺則熒惑光益大 甘氏曰熒惑
色赤黃也發疾黑青發難黃若赤一歲內發白色期二
年青色期三年黑色期四年至五年以星行尺寸深淺
為廣大小期應 荊州占曰熒惑一赤一黃王公有禍

士女降候星若無光先起兵者必敗 巫咸曰熒惑如
炬火亡人怒君子洙洙小人搶搶不有亂臣則有大喪
亡期其使吏欺其主使之不殺哀孤恤寡則止 海中
占曰熒惑色赤國有憂厚白則國有憂薄蒼即天下多
喪其國尤甚 郝萌曰熒惑之常色赤而黃有喪期六
十日 又曰熒惑色赤光而澤也期不出二年兵喪並
起 郝萌曰熒惑出色黃所居宿有土功事 郝萌曰
熒惑夏三月出南方色赤而逆行乃有害萌火光之妖

且見觀之有德而降之以福觀之逆德而降之以禍凡
降禍流水湯湯乃為之祠於祝融及南海之神春見為
之修德賞有功論有勞遷有善任有能夏見為之寬政令
薄賦歛賜爵祿行賞罰視以佐陽德大暑乃至時雨乃
行百姓乃豐五穀乃登甘雨和風乃至草木以時零落
民不夭疾帝乃延壽是謂德秋見為之脩吉初逐有罪
誅有過冬見為之開閉大赦此四者所以應天之明神
也 荊州占曰熒惑出色赤怒逆行為兵戍鉤以戰凶

有圍軍 荊州占曰熒惑色大而盛先起者亡後起者
昌 荊州占曰熒惑色赤為大兵旱秋有火災 荊州
占曰熒惑色變為黃有德 荊州占曰熒惑秋出色黃
兵而和 荊州占曰熒惑色黃白不出其年喪起 荊
州占曰熒惑色黑圜為疾為喪 荊州占曰熒惑色白
為饑為兵 荊州占曰熒惑春色赤百姓有憂冬色白
大臣多辱 荊州占曰熒惑白圜而光其野病旱 荊
州占曰熒惑色變正白者冬有喪色變而赤者秋有兵

荊州占曰熒惑失色有兵從之人主憂 荊州占曰

熒惑黃而不明即變其色時不昌春不生夏不榮秋不實冬不藏四時皆變其色不出其年君主有以女樂亡者 荊州占曰熒惑如炬火有亂臣亡期使吏欺其主少勝長下勝上婦勝姑子勝父君令不行 荊州占曰

熒惑色青圓為水為憂為饑一曰色青者多雨 荊州

占曰熒惑色蒼黑蒼多黑少有喪蒼少黑多有水蒼黑喪水並起皆期六十日或三年 荊州占曰熒惑出而

色正黑所守國有水殃期六十日

詩緯曰賢者退小

人進而讒言侈陰賊行而天下昏熒惑數出干主位赤而芒為火兵黑而圓為水喪止舍為其邦疾則事急留則殃重 春秋緯曰熒惑主怒則角擾動及繞圜之若芒前後左右主令無常各以其類亂虛而侵殺則光為火 甘氏曰熒惑色赤而芒角其怒也昭昭然明大則軍戰其國亦戰 甘氏曰熒惑芒名正旗旗所指破軍殺將正旗而伐之大勝 郝萌曰熒惑環繞宿其長戮

其同光死其光若外附不同光主出走赤芒南方國利
之白芒西方國利之黑芒北方國利之青芒東方國利
之黃芒中國利之 又占曰熒惑色正黑多芒所居之
野有妖惑者 司馬遷天官書曰熒惑白角有哭泣之
聲 荊州占曰熒惑色正白無芒所居多有女喪色正
白而多芒所居宿有男喪 荊州占曰熒惑始出蒼多
芒所居宿其國有妖而饑 又占曰熒惑始出色赤而
芒軍在外大戰無軍起 又占曰熒惑出色黃多芒所

居宿其國有憂主期百二十日 又占曰熒惑生芒為
主憂 又占曰角則兵起 又占曰熒惑成鉤已繞環
有芒角如鋒必人主無出宮下殿有伏兵 又占曰熒
惑角則主怒 又占曰熒惑出而有角行疾用武行遲
用文 又占曰熒惑色青而角來年之春草木五穀肅
一曰色青而角有兵憂

熒惑盈縮失行五

韓楊曰熒惑出列宿之南為孽出列宿之北復入為盈

逆為縮如是者其下必有伏尸腐肉 甘氏曰熒惑政
緩則不出急則不入違道則占 尚書緯曰政失於夏
則熒惑逆行 什圖徵曰聖王正律厯不正則熒惑出
入無常占為大凶 春秋緯曰熒惑主有謀氣事未施
行則見怡其妖祥反道二舍以上居之三月有淫佚五
月受夷狄之兵王以讒言致非祥七月半亡地九月大
半亡地因與宿俱入俱出國絕祀 文耀鉤曰熒惑留
其宿陰四旬太子死三旬重臣消 鈞命決曰天子失

義不德則白虎不出熒惑逆行 石氏曰其國失禮失

夏政則熒惑逆行 熒惑所留久也三年而發亡五百

里其中也三百里其殺也四百里居其陰萬家邑拔千

家邑驅掠居其陽萬家邑驅掠千家邑拔遠去而復還居

之甚憂隘其從陰之陽亡地三百里荊州占二百里從陽之陰

亡地二百里荊州占三百里從前之後亡地二百里從後之

前亡地三百里留其前六日不從主首子死留其陰旬

二日嬖人死留其前一月季子死荊州占太子死留其後二月

荆州占 二日 不從王后死 荆州占 季子死 留其後二旬相死留其陰

五月 荆州占 一日 上卿死 荆州占 王后死 其前二旬 荆州占 一日 太子死

巫咸曰熒惑出東方若西方留遲者天崇也強國之

王死之又曰留一月以上為憂為喪為饑為兵 熒惑

之行東西南北名曰失行主用事必且失其位使之不

然殺不孝者以當失行如此則止 熒惑東行疾名曰

狡狡者止相且死西行疾名曰猶猶者起且有死將南

行疾名曰讒 荆州占 曰 變其常 南 讒且有男

荆州占 曰 變其常 南

喪北行疾名曰賊賊且有女喪 熒惑靜居不行名曰
營且有殃 熒惑南去列宿間客三舍期百二十日倍
之君不治政在臣下使之然不然遷不治復冤冤止姦
詐如此則止 京房妖占曰君多虛飾則熒惑失道

郝萌曰主行重賦斂奪民時大宮室高臺榭事則熒惑
逆行霜露肅殺五穀民多病溫疫擾軫 熒惑從北往
南是謂持水入於火不出三年國有大喪亂兵起南方
熒惑安行一東一西一南一北主有吉凶赤為兵白為

喪黃為喜青為憂黑為水 元命包曰妾為妻支為嗣
精感類應則熒惑逆行變怪 郝萌曰熒惑逆行變色
人主簡宗廟去禱祠廢祭祀逆天時變妾為妻 熒惑
逆行變色為棄法律殺太子逐功臣 熒惑出而逆行
變色以內淫亂犯親戚 熒惑而逆留守宿者所主貨
物皆貴 熒惑以庚辛日留天下有大喪有兵 班固
天文志曰熒惑所守為亂賊喪兵守之久其國絕嗣
荊州占曰王者不順禮遺德不求賢舉隱驕慢自恣不

順五常耽於女色妻妾為政邪臣在位殺戮無辜陵弱
暴強星則為之逆行出不以時變為妖蜚虫尤之旗格
澤之氣起兵大戰主死將亡伏尸流血王者行禮起宗
廟禮山川存孤恤寡薄賦輕徭星順度可以除咎 荆
州占曰熒惑變色失行所留者亡所抵者兵 熒惑逆
行變色人君宰相之治推擇不以德賢聖隱蔽而不肖
者進遠忠臣而近讒諛一曰人君宰相之治驕恣不從
五行妻不政賢者伏匿讒臣亂治逐功臣誅不辜即熒

惑逆行變色

熒惑變其常東行客三舍名曰縮星縮

星出有死相

熒惑變其常西行客三舍名曰馳星馳

星出有死將

韓楊曰東行疾名馳星有死將

熒惑變其常南行客三

舍名曰讒星讒星出有男喪

熒惑變其常北行客三

舍名曰賊星賊星出賊將起又為旱

熒惑逆行色赤

而怒有兵

熒惑逆行環繞屈曲成鉤已至三舍名山

崩大川竭若守之三日不下其分國亡有大喪

熒惑

逆行至五舍大臣謀反諸侯王也

熒惑逆行必有破

軍死將國君若寄生又曰夷將為王敗誅者昌不敢誅者亡當此之時趣立九侯置三王取與必當無逆天殃熒惑當不出天下有兵民流亡當入不入所在其國有殃熒惑往來疾者期不過九十日遲者不過三年熒惑留二十日乃占熒惑不動兵不戰有誅將熒惑逆行二舍半有火災一曰有女喪一曰為大水熒惑太白東西南北行之而復居其處天下為四國謀者其行也同時馳熒惑出東方具行順則其國不凶其逆

行一舍其國有兵戰破亡地其色悴小其國君有憂
熒惑行失度而妄出宿間天下作兵熒惑東則兵東西
則兵西南則兵南北則兵北 熒惑東西害侯王一南
一北為死喪 熒惑失行西北是謂水利於火有兵兵
罷天下大旱存孤老嫠鰥寡天下親附則熒惑順度
熒惑春夏而失道南行疾為旱為兵在陽國秋冬而失
道北行疾為火入水必有破軍殺將 甘氏曰熒惑出
入進退以戰背之大勝迎之大敗 荊州占曰熒惑順

宿南行疾有男喪又曰讒人將起順宿北行疾有女喪
賊將起 熒惑正乘列舍守之十日以上其分內亂二
十日以上相走六十日主死九十日殃及子孫 熒惑
止留三日以上國則憂相不死出走十日以上主大憂
一月至三月三月至六月殃及子孫去之丈傷五穀去
之七尺傷人民去之四五尺傷吏去之二三尺傷卿相
去之一尺傷主 熒惑出西方若東方甚疾至宿留二
十日以上及為留即去之若復反其所留之宿其君當

之海中占曰

之所宿者天子惡之四孟之月侯王受之

四仲之月大臣受之四季之月小臣受之 熒惑順行

留守宿二十日以上與逆行不滿十日等順行留守三

十日以上與逆行留守宿十五日等順行留守宿四十

日與逆行留守宿二十日等順行留守百日與逆行五

十日等熒惑所守其國宰相死 熒惑與宿星舍守之

其國大人死守之久五年而發者亡地五百里期二年

而發者亡地二百里期一年而發者亡地百里 熒惑

所守之分其國凶守之速殃小守之久殃大去而復還
守之或前或後或左或右殃殊重不可救國破主死流
血城市 熒惑逆行守星者為饑

即其年旱饑也

復還順行黃

色而至穰為反賤 韓楊曰熒惑東西南北疾謀用戰

順之勝逆之敗 漢天文志曰熒惑順宿東行疾則兵

聚於東方西行疾則兵聚於西方 韓楊曰熒惑乍東

乍西受者國大憂居之久者三歲中二歲近一歲殃至

熒惑逆而西行則不殺為王敢誅者昌不敢誅者亡

當此之時趣立九侯置三王取與必當無逆天殃 熒惑出於北方不出其年起兵熒惑還北方其兵不還有憂 熒惑春出南方有喪不然當小旱饑 熒惑春出於南方羣君有憂 熒惑凡行二十八宿已去復還反其國君死之熒惑正乘其國之宿星留三日以戰大將死留五日君破亡地留十日其君死國無兵而熒惑正乘其宿星留十日內亂起絕宿星從南之北從北之南其國貧一曰所居久者其野有兵 荊州占曰熒惑所

居久者其野有兵入其星三日其野有憂過三日其憂大韓楊曰熒惑常行其留不行從宿居入宿又守之其國當舉兵戰鬪殺將亂事家室破殘父子相扶於流亡又曰熒惑行絕道正乘宿留二十日以上至五十日破軍殺將熒惑之行無常東行守宿十日為留其環所久宿者殃其國宰相死熒惑東行四十日行三舍以上謹守其反日不行日數之百八十日女孽出班固天文志曰熒惑逆行一舍二舍為不祥韓楊曰熒

惑西行行三舍以上謹守其反日數之百八十日兵起
不然天妖出 韓楊曰熒惑逆行而留其國逆凶順
行而留其國順凶 石氏曰熒惑逆行還復故道名曰
燒跡其災重

熒惑晝見反明六

甘氏曰熒惑晝見臣謀主 韓楊曰熒惑出西方而逆
行是為反明天下更王國憂受者亡其南若北為死喪
南為丈夫北為女子 洛書曰熒惑反明邦命更王

熒惑反明相掠所滅

熒惑反明不言紀更

尚書緯

曰熒惑反明白帝亡

春秋緯曰赤帝之世有過則熒

惑出冠守見萌以淫亂失時則反明有此類則亡引也

文耀鉤曰熒惑反明主以悖更殘物之過亡天下更

紀易其主

元命包曰殷紂無道熒惑反明宋均注曰反出西方也

天官書曰熒

惑反明主命惡之

荊州占曰熒惑反明怒氣結韓

楊曰熒惑所止舍而數之七舍而數為日七月而入於

西方伏行五舍為日五日而復出於東方其反出西方

是謂反明天下更政所宿其國伐 熒惑入西方反出
為反明天下更王 熒惑有三反明三吐舌以戚咎殺
太子以妾為妻 京氏曰禮經不用熒惑反明

熒惑變異吐舌七

龍魚河圖曰夫熒惑主司非其精下為風伯之神 巫

咸曰熒惑下為童男止於都市

投神記曰吳地草創之信不堅固邊屯守將質

其兩女子名曰保質童子少年以類相與嬉遊者日有十數鳳皇三年三月有一異兒長四尺餘年可六七歲衣青朱從羣戲諸兒莫之識也皆問爾誰家兒今日忽來答曰見爾羣戲樂故來耳詳而視之眼有光芒焰焰若

火諸兒畏之重問其故兒乃答曰爾惡我乎我乃熒惑星也將有一言告爾天下歸司馬氏諸兒大驚或走告大人馳往觀之兒曰爾舍去乎疎身而躍即已化矣仰而視之若引足竦以登天大人來有猶及見焉飄飄漸高有頃而沒時吳政峻急莫敢害也後五年而蜀亡六年而晉興至是而吳滅於司馬氏矣一書云熒惑卒不見下地為人衣韋衣若白衣乃使民多妖言

京房對災異曰熒惑作變為

華州人君之禍也弟於東骨肉欲暮近北邊國謀入於西則兵大起蠻貊戰入斗則大臣叛佳東西萬民病不救之則致日食既下謀上其救也設七政爭正圖書修經術改惡為善則安矣 運斗樞曰人君政亂朝多讒

臣則熒惑吐舌

京氏曰人君無禮法輕薄房室外行

慢易遇下不理賦斂奪民時則熒惑失度吐舌為變逆

度作怪以誡人君不救則大旱中火燔宮殿其救也追

功祿爵位賢德養幼孤廩鰥寡則熒惑還度天心得矣

韓楊曰熒惑吐舌狀如星也其舌上則主憂下則民

愁 運斗樞曰陽越度陰失符則熒惑生足

宋均曰陽君也陰臣

也

石氏曰熒惑生足故主殃新主易 巫咸曰熒惑

大而赤東西南北行非常也一曰有謀兵起 熒惑失

其常吏且棄其法諸侯亂其政 荊州占曰熒惑始出
大而日愈小者其國不利始出小而日愈大者其國利
熒惑赤角卒多不出秋兵起又曰熒惑赤大昭然而
芒其野有兵 熒惑大而赤角有兵兵出有功戰客利
背之者大勝逆之者大敗 熒惑色赤大而角軍大驚
巫咸曰熒惑小名曰進賊萬物相暴從為賊不有死
王必有滅國使之不然衰老弱憐孤寡 郝萌曰熒惑
出東方反行以西有小星擊之即去所宿之國受兵

荊州占曰兩敵相當熒惑當其日而大以其大之日利
當其日而小以其小之日不利上旬為陽國中旬為中
國下旬為陰國星大赤則兵出有功小赤則無功皆以
其日占國熒惑貫小星殺小將 熒惑之陰有小星去
四寸以內諸侯陰謀 熒惑之陽有小星去四寸以內
諸侯有小兵 熒惑之傍有小星兩其一在南一在北
皆四寸以內諸侯從 熒惑之傍有小星兩其一在東
一在西皆四寸以內諸侯橫 熒惑小而赤角兵出無

功

熒惑躍而沉浮與列星關八

荊州占曰熒惑躍而沉浮主用心悼憤 熒惑守列舍
浮跳不安人主心邪無剛政 韓楊曰熒惑有宿星關
不出三年臣背其主 熒惑變色逆行相凌而關會舍
還其國無道 若與宿同光國君出走

熒惑穰氣暈彗九

黃帝占曰熒惑生氣如為赤穰者明日大暑至夕時而

大雨 熒惑出穰氣長一丈有百日旱 孝經內記曰
熒惑黑赤氣為赤穰者不出五月有賊三十日有兵五
十日旱魚鹽貴二倍自止 甘氏曰兩軍相當而雲掩
熒惑必有覆軍若將死其出入進退以戰背之大勝迎
之大敗 郝萌曰兩軍相當雲厚掩熒惑必有逐軍
巫咸曰熒惑白暈大臣背其主其角也兵氣赤色也國
有憂 郝萌曰熒惑出箕東南維其下受亡地不出三
年

唐開元占經卷三十

欽定四庫全書

唐開元占經卷三十一

唐 瞿曇悉達 撰

熒惑占二

熒惑犯東方七宿

熒惑犯角一

荊州占曰熒惑犯左角都尉死之 陳卓占曰熒惑犯

角赦期一月 石氏曰熒惑犯左右角大人憂一曰有

兵大臣為亂 甘氏曰熒惑入左角有大赦入右角兵
大起 黃帝占曰熒惑出角中道天下太平出陽道旱
陰道多雨 陳卓曰熒惑出角陰道多陰謀 郝萌曰
熒惑出入天門間宮門移 又占曰熒惑逆行角失火
荊州占曰熒惑逆行角中成勾已若環繞之人主憂
有兵喪若關梁不通期六月 郝萌曰熒惑起角刺如
鋒必經角間三十日而三留之人主無下殿出宮廊廟
間有伏陣兵 又曰熒惑赤色光芒居天門中三十日

天下有大徵發男年十五至耄老三年乃止或曰三月
郝萌曰熒惑起芒角赤色而光守天門中二十日饑
一曰小旱 又曰熒惑過兩角多雨 荊州占曰熒惑
成鈎已環繞角有芒如鋒必天子失位 郝萌曰熒惑
乘左角為旱乘右角為兵為水又曰乘陵左右角者為
日蝕國有大變 石氏曰熒惑乘右角后族家若將相
有坐法死者 又占曰熒惑與角合韓相出走 河圖
曰熒惑居角陽其國有喜居陰有憂 郝萌曰熒惑居

角亢間及太微宮臣有請兵於天子者若去復還居角亢之間天子聽之兵且起 又占曰熒惑大反行留角國受殃及加兵又曰色黑為疾為死青為水為饑 又占曰熒惑反行留角三十日萬家邑拔千家邑虜既居之南北去之其邑不可用兵進為兵退為喪 荊州占曰熒惑行廷中不止有大獄 巫咸曰熒惑舍天門人主絕祀 郝萌曰熒惑舍天門中大赦又曰入天門出復反之天下大亂守反者事大 春秋文曜鉤曰奪民

時熒惑守左角 海中占曰熒惑守左角有喪色白為
兵黃為土功赤為旱青憂黑死 郝萌曰熒惑守左角
臣謀其主 荊州占曰熒惑守左角兵起將軍死之期
六十日若六月又曰縑繒倍價 黃帝占曰熒惑守右
角有兵起期三月將死 又占曰熒惑守左右角左右
校尉都尉若相當之或戮死 又占曰熒惑守兩角間
若軫道絕不通出其陰陰伐利戰勝取其將 又占曰
熒惑守角三十日其后憂 又占曰熒惑守角出其南

多病出其北多死行右中國有殃行左負海國有殃

又占曰熒惑貫若守左右角大戰洛書曰熒惑守角

下土逆謀兵乃出春秋緯曰熒惑守角若反行留角

二十日相死石氏曰熒惑守天門中二十日國有大

喪若大臣受謀期一年又占曰熒惑守左角左將軍

憂守右角右將軍憂去復還守之二十日將軍戮死

又占曰熒惑居守角三月有殃五月受兵七月其野亡

又占曰熒惑守角霸者爭土農者爭犁聖人出二十

日大貴 又占曰熒惑入天門已去復反守天門關梁
不通進以善事則亡 甘氏曰熒惑守角忠臣誅國政
危 又占曰熒惑守左角廷尉有憂守右角太尉有憂
海中占曰熒惑守左右角其色黃白小旱民小厲

又占曰熒惑守左右角逆行為旱還立雨為五穀不收
又占曰熒惑守角貴人子有繫者去獄之天牢貴人
子赦 又占曰熒惑起芒角赤色而光久守天門王者
絕嗣各以占其國 郝萌曰熒惑守左角若右角去復

還之天子行誅伐期年中 又占曰熒惑守左角左將
軍右角右將軍守角前前將軍守角後後將軍一周五
將軍發 又占曰熒惑守角讒臣欲進政事急有千里
之行 又曰將軍有亂有兵兵罷又曰大旱 又曰熒
惑守角為中兵大臣留兩角間將興國廷開梁邊境不
通 又占曰熒惑守東關赦期一月 荊州占曰熒惑
守天陳大饑太后族人受誅者又曰以夏三月中守
角若出角八角中外不通 二十八宿山經注曰熒惑

守角亢其色赤不出三年則韓國王死 黃帝占曰熒惑守角西為父母後為妻前為子東為身如此者臣弑君近一年中二年速五年 石氏曰熒惑守犯凌左角為禍咎

熒惑犯亢二

黃帝占曰熒惑入亢有芒角犯凌之當有白衣之會糴大貴 郝萌曰熒惑入亢天子廷有兵有水 東官候曰熒惑入右亢謂北星也天下有白衣之期五穀不熟 石

氏曰熒惑數入亢其國疾病疫 郝萌曰熒惑入亢成

鈞已環繞之有亡國必有臣謀主

宋宗書天文志曰親
嘉平三年十月癸未

熒惑犯亢南星正元三
年二月李豐等謀亂誅

石氏曰熒惑十二月入龍宿

成鈞已若環繞之天子失廷 荊州占曰熒惑逆行亢

主成咸非其人 陳卓曰熒惑乘亢右星為大兵為水

為穀貴 郝萌曰熒惑乘滅亢左星為大人憂乘右星

為天下奇令 春秋緯曰熒惑與亢合主命凶 河圖

曰熒惑居亢陽其國有喜居陰有憂 荊州占曰熒惑

留亢天子惡之

郝萌曰熒惑留廷中為天下大憂或

曰為焦旱物不生多蟲蝗起又占曰熒惑舍亢為歲

有小水黃帝占曰熒惑以八月守亢兩將相當在東

南期一歲

石氏曰
期歲中

又曰平地出水橋梁不通河內將相

憂甘氏曰熒惑守亢天下大樂民得封爵期不出年

甘氏曰熒惑守亢東天下州戰守西木菓不實又

占曰熒惑守亢五穀不熟民死之又曰守疎廟有土事

又守天門有憂巫咸曰熒惑守亢小臣為亂臣疾疫

又曰兵大起天下旱萬物不成 海中占曰熒惑守亢
天下有白衣之會天子易政道路不通 海中占曰熒
惑守亢成鈞已而環繞之三十日天子自將兵國易主
郝萌曰熒惑守亢環繞之成鈞已天子惡之期六月
若十月 又占曰熒惑守亢大將有喜守亢左左將軍
有喜 又占曰熒惑守亢五穀以水傷敗 又占曰熒
惑守亢為天下大旱多火災逆行為失火 黃帝占曰
熒惑守亢西為父母後為妻前為子東為身如此者臣

弑主近一年中二年遠五年 郝萌曰熒惑守亢貴人
病亡一曰留十日后忌 又占曰熒惑守亢天子有祠
廟之事又曰天下病頭 荊州占曰熒惑色黑守亢旬
日水萬里不測二旬有沒王三旬澤海又曰赦 東官
候曰熒惑守亢國糴貴芒角犯凌有白衣之衆暴聚麻
麥載倍價 又占曰熒惑守亢大人憂之若水船急若
民憂非一國也政危守之三十日民多疾 又占曰熒
惑入守亢天子有所治宗廟之事赦解之 黃帝占曰

熒惑逆行守亢為中兵 郝萌曰熒惑乘若守亢左星
為水乘右星為大兵為有收繫者 甘氏曰熒惑犯守
亢逆行不順失其明色大政不用 郝萌曰熒惑犯守
亢天下病頭 東官侯曰熒惑犯守亢二十日而去五
穀不登大人憂亂臣在朝忠臣不進

熒惑犯氐三

荊州占曰熒惑犯氐左星左中郎將誅死右星右中郎
將誅死皆期三年 甘氏曰熒惑入天子宮天子失其

宮 郝萌曰熒惑守亢還入氐中三十日大人當之其

速氏者將大病在氐南行國有小喪在其陽者男在其

陰者女 甘氏曰熒惑入氐留守二十日不下當有賊

臣在內下有反者

紫班周天文志曰孝宣地節元年正月辛酉熒惑入氐其四年將軍霍禹

范明友及奉車霍山諸昆弟嬖婚為侍中諸曹九卿郡守皆謀反伏誅其應也

三十日不下其

國兵起人主當之氐為天子之宮罰星入之不祥之徵

所守之國其君死之 石氏曰熒惑入氐留二十日有

一國之君繫饑死若毒死者 郝萌曰熒惑入天門至

氏前進退人主無出廊廟間無出國無之遠宮其間有
伏陣之兵 荊州占曰熒惑入氏宿留之二十日大發
卒戰近期三十日中期六十日遠期百日 又占曰熒
惑以戊辰歲鉤已入氏犯西南東北星光合者到已已
歲大將軍誅大赦天下 又占曰熒惑出東方若西方
留氏者天子宮也去復還居之天子坐之 巫咸曰熒
惑逆行氏失火一曰守氏多火災 荊州占曰熒惑逆
行氏地動 郝萌曰熒惑乘氏之左星天子自將兵於

野一曰天下有大水大兵 又占曰熒惑出入留舍氏
五十日不下天下大疾一曰二十日不下五月有病

荊州占曰熒惑出入留舍氏十日其君當之 黃帝占

曰熒惑守氏成鈎己者大人憂

甘氏曰款期六日

石氏曰熒

惑守氏大人憂若強國當之若主有繫者餓而死若近
臣憂非一國也政不安一曰天下有兵一曰大國憂

春秋緯文曜鉤曰熒惑與氏星合失地一百里 石氏

曰熒惑守氏去一旬復還有大兵起二月有亡地 又

占曰熒惑逆行守氐大臣謀反其事成 甘氏曰熒惑

守氐大臣相譖主大戰 巫咸曰熒惑守氐君有疾有

兵起所守國其君惡之

紫宋書天文志曰武帝永初二
年六月乙酉熒惑犯氐景平元

年廬陵王義真
廢王領豫州也

海中占曰熒惑守氐國亂有反臣近

臣有憂有兵期六月不出六十日赦不遍天下歲春旱

晚水不出其年人相食 黃帝占曰熒惑出氐復還守

之強國之君惡之 郝萌曰熒惑守氐地震動又曰有

土功事又曰守二十日相死親近戮死者西北之夷來

又曰守氐色黑國家有小喪 荊州占曰熒惑守氐天

子惡之

宋書天文志曰武帝永初二年六月乙酉熒惑犯氐三年五月宮車晏駕

郝萌

曰熒惑守氐西為父母後為妻前為子東為身如此者

臣弑君近期一年中二年遠五年 荊州占曰熒惑守

氐成鈞已者強國之君死之王者憂貴人有饑死囚繫

者謂東行反之還去兩星二尺期百二十日去兩星齊

期二十日以赦解之 又占曰熒惑守氐去復反守之

其色黃白與兩星齊期十日去兩星尺期六十日有赦

又占曰熒惑色赤若黃以九月守氐六十日有奪地
死王期一年

熒惑犯房四

洛書曰熒惑犯房亡君之夷 文曜鉤曰熒惑犯房宿
將軍為亂王者惡之 荊州占曰熒惑守犯凌房國君

憂色青憂喪赤憂兵積尸成山黑右將相誅白芒角大

哭

司馬彪天文志曰孝和永元五年九月火犯房北第一星為相六年正月司徒丁鴻薨宋書天文志曰魏明

帝太和五年五月熒惑犯房占曰房四星股肱將相位也五月星犯守之將相有憂七月車騎將軍張郃追諸葛

亮為亮所害十二月太尉華歆死晉成帝咸康八年六月
熒惑犯房上第二星占曰次相憂建元二年車騎將軍
江州刺史庾冰薨是時驃騎將軍何充居內冰為次相也

郝萌曰熒惑入房天子

之宮大臣有反者天子憂期六月 又曰有白衣之會

又占曰熒惑入房天下有喪 又占曰熒惑入房三

道為天子有子 石氏曰熒惑入房馬貴出房馬賤

郝萌曰熒惑出房北主也出其南諸臣也處之憂甚行

除憂無故 海中占曰熒惑行房南旱若守之為喪行

房北為水若守之為兵 郝萌曰熒惑逆行房失火若

地動 春秋演孔圖曰堯恒視熒惑所在在房則改法

蠲令

宋均曰房為天子明堂政教有門故改法蠲令也

又占曰熒惑磨心環房

不留正舍往來彷彿人主無下殿遠宮闕有伏兵 洛

書曰熒惑鉤己房主命凶 玉歷曰熒惑逆行房成鉤

己大人憂臣弒其君凶

郝萌曰期不出六十日也

下有反者大兵起

文曜鉤曰熒惑與房合車馳人走

宋均曰熒惑與房合為諸侯所逐也

郝萌曰熒惑與太白合房哭泣者多堂空 甘氏曰

熒惑貫房中央天下無兵出房南為男憂出其北女憂

郝萌曰熒惑入房留二十日主出走留十五日主戰
近期三十日速三月 石氏曰熒惑出中道留也天下
有夷期三月四月天下大赦 荊州占曰熒惑出入房
中道良馬用天下兵滿野將相為盜大臣有憂 黃帝
占曰熒惑守房十日不去山崩 又占曰熒惑守房大
臣為亂王圍於野天下作兵五年而止 石氏曰熒惑
守房天下更政 黃帝占曰熒惑守房有兵與喪居之
三月其邦有殃五月受兵十月其野亡 又占曰熒惑

守房貴人疾

又占曰熒惑守房三日五日天子車駕

有驚

又占曰熒惑行房南犯守之為大旱行北犯守

為大水在宋地

又占曰熒惑守房入之成鉤己天子

失宮期六十日

春秋緯說題辭曰房心木位熒惑守

之燒弒陽類相滅子代位 石氏曰熒惑守房火近於

木子火滅其母十日不去國有喪

郝萌曰有崩主

十五日不去

兵大起二十日不去臣弒君子殺父

郝萌曰臣叛其君子去其父也

去邦邑陰陽相克天下大動期不出一年 石氏曰熒

惑守房為大饑人相食死者不葬 又占曰熒惑守房
為良馬出廐 又占曰熒惑守房左綠絮貴其守陰間
星將有喜 郝萌曰熒惑逆而西行守房十日成鉤己
大臣弒其主期不出六十日 石氏曰熒惑行不出房
中央其年有氏守房王者惡之天下更政易王若將反
逆者從近君起以赦令解之 甘氏曰熒惑守房去復
還成鉤己若環繞之國有崩喪戴麻天下將大亂諸侯
起霸天子失其宮期六月 巫咸曰熒惑守房多水災

海中占曰熒惑守房三日鬼火夜行人民大恐多死
喪 郝萌曰熒惑以九月守房車騎蓋野期後年父子
盡給軍事無得留家者 又占曰熒惑守房土功興留
三十日地大動大兵起 又占曰熒惑守房心赦成鉤
己者水成己者火 又占曰熒惑守房間直心而留守
房天下大亂東方大得西方大失 又占曰熒惑守房
北燕趙負殃守中央魯衛負殃 又占曰熒惑守房為
胡兵發 荊州占曰熒惑守房期一年大臣盜國寶大

兵起於后宗其亡角犯凌留三十日以上大臣凶一曰
秦燕趙大凶二十八宿山經注曰房心星宿闇黑熒
惑守之二百日止則音聲萬民相聲大水魚鹽五穀貴
百姓愁苦 郝萌曰熒惑犯中乘守房左驂左服為君
死所中將誅有中犯乘守房右驂右服為夫人死所中
相誅 又占曰熒惑留逆犯守乘凌房左右驂主崩臣
有陰謀逆往乘凌中道天子失位而亡順行乘凌中道
天下和平 韓楊曰熒惑犯房鈞鈐王者憂

案宗書天
文志曰晉

穆帝升平三年三月乙酉熒惑逆行犯鈞鈴五年穆帝崩檀道鸞晉陽秋曰孝武大元十九年十一月甲申熒惑犯鈞鈴二十一年九月庚申帝崩宋書天文志曰宗武大明二年十一月庚戌熒惑犯房及鈞鈴壬子又犯鈞鈴占曰有兵其年索虜寇歷下遼羽林軍討破之

郝萌曰熒惑犯乘鈞鈴大

臣有誤天子不尊事天者致火災於宗廟王者不宜出

宮下殿有謀匿於宗廟中者石氏曰熒惑逆行至鈞

鈴天子侍臣俱亡春秋緯曰出行不節則熒惑守房

鈞鈴劉向洪範曰鈞鈴天子御也熒惑守之不大僕

則奉車不黜則死

洪範曰漢宣帝本始元年熒惑守房其後六年奉車都尉霍山舉家謀反

誅滅

郝萌曰熒惑守鈞鈴大赦若有德令

熒惑犯心五

黃帝占曰熒惑犯心戰不勝國大將闕死一曰主亡

海中占曰熒惑犯心天子王者絕嗣犯太子太子不得
代犯庶子庶子不利 又占曰熒惑犯心必有饑餓而

死者 郝萌曰熒惑犯心有謀臣不即有死王 文曜

鈞曰熒惑入心前後星相戮中野 郝萌曰熒惑入心

大臣有反者天子憂之期六月 黃帝占曰熒惑經心

清明烈照天下內奉王帝必延年 郝萌曰熒惑入角

道逆行進退欲留氐亢因復少進繞心與房不留止舍

往來彷徨可三十日 又曰因以東西有憂南北有喪

春秋演孔圖曰熒惑在心則縞素麻衣

宋均曰熒惑在心海內之

映海內亡主故素縞麻衣

郝萌曰熒惑迴心若去之復還反之二

日大赦 石氏曰熒惑乘心其國相死 又占曰熒惑

犯蝕乘心右星太子有憂若不立一曰不死即去 洛

書曰熒惑居心陽其國有喜居陰有憂 郝萌曰熒惑

入心留二十日主病三十日疾困群臣亦然 陳卓曰

熒惑留心近臣為亂 石氏曰熒惑舍心貴人振旅天

下大兵若色玄不明喪 司馬彪天文志曰金火俱在

心為大喪 黃帝占曰熒惑宿心色青有喪色赤有兵

宿心東為齊越西為秦鄭甘氏曰秦南荆宋北衛趙甘氏

曰燕中為魏魯 文曜鉤曰熒惑與心合主死不死出

走又曰易帝 郝萌曰熒惑起角芒如劍刃經兩角間

進退不留止磨心以行有伏陣兵 甘氏曰熒惑貫心

天下民饑 郝萌曰熒惑與心闕天下暴喪期三年

洛書曰熒惑守心成鈞已不言王命凶 春秋緯曰熒

惑守心海內哭

宋班固天文志曰漢高帝十二年春熒惑守心四月宮車晏駕

駕者臣子之心猶謂宮車當駕而出也 宋書天文志曰晉武帝太康八年三月熒惑守心永熙元年四月乙酉

武帝薨光熙元年九月丁未熒惑守心十一月惠帝崩

石氏曰熒惑守心大人

易政主去其宮

宋史記曰宋景公時熒惑守心子韋曰禍當君雖然可移於宰相公曰相吾之

股肱所與治國家曰可移於民公曰民死寡人將誰為君子韋曰可移於歲饑公曰歲饑民困民誰以我為君子韋曰天居高而聽卑君有至德之言天必三賞君熒惑徙三舍行七星星當一年君壽延二十一年

海中占曰火守心色赤有兵臣謀其主黑主死白謀臣
有賜爵者青大人有憂 石氏曰熒惑守心天子走失
位入心必見血其國庫兵出天下士半死五月大旱二
十日不下天子有令有憂布大貴 雒書雒罪級曰熒
惑守心必有逆臣起 石氏曰熒惑守心時王將軍為
亂 甘氏曰熒惑守心大臣為變謀其主諸侯皆起
又占曰熒惑守心成鈎己及環繞之天子失其宮期六
月 巫咸曰熒惑守心萬物不成土功興一曰歲水

海中占曰熒惑守心天下大吟居之三月有殃五月受
兵十月其野亡 石氏曰熒惑守心成鈎己期三月大
臣反攻戰不將軍死 海中占曰熒惑守心南為水北
為旱 又占曰熒惑守心民流亡 郝萌曰熒惑守心
南有小男喪守北有小女喪又曰以十月守心北不出
其歲國有大喪以十月守心期六十日有辱主一曰皆
起兵 又占曰熒惑守心為侵陽守心上下星名幸臣
驂乘者有事黃帝占曰熒惑守心大人惡之 郝萌曰熒

惑守心有反者從太子起一曰九卿為害又曰大國兵

四起天子軍破又曰二十日相死又曰守心留十日后

死又曰守心三十日有女喪 郝萌曰熒惑守心房間

三十日地動 又占曰熒惑守心有反者從宗家

案宗書天

大志曰晉元康九年六月熒惑守心八月入羽林後二年趙王廢惠帝為太上皇俄而三王起兵討趙王倫倫

悉起中軍兵相拒累月也 荊州占曰熒惑守心色黑有兵必敗

陳卓曰熒惑守心期三十日彗星出王都西南指 玄

冥占曰熒惑守心為饑

案表宏漢紀曰安帝永初元年五月戊寅熒惑逆行守心三年

三月京都饑人相食

春秋緯說題辭曰熒惑守心主死天下大

潰黃帝占曰熒惑逆行而西守心二十日大臣為亂

袁宏漢紀曰安帝永初元年五月戊寅熒惑逆行守心司空周章謀誅鄧騭兄弟廢太后及上立平原王為帝

事發覺自殺

石氏曰熒惑逆行守心哭泣涔涔主命惡之

國有大喪與兵

索司馬彪天文志曰孝靈中平三年四月熒惑逆行守心後三年而靈帝崩

國易政 郝萌曰熒惑逆行守心旱失火 陳卓曰熒

惑逆行守心地震 黃帝占曰熒惑逆行守心環繞成

鉤已皆為大人忌期六月以救解之 石氏曰熒惑逆

行守心中中央大星有白衣之會 巫咸曰熒惑中犯乘

守心明堂大臣當之在陽為燕在陰為胡一曰有火異

郝萌曰熒惑中犯乘守心明堂為萬民備火近期一

年中期三年遠期九年一曰旱 又占曰熒惑中犯乘

守庶子女主勢行 又占曰熒惑中犯乘守蝕心右星

為庶子有憂若死 又占曰熒惑中犯乘守太子星天

心明堂星有大喪又曰中國有小憂一曰宋憂 又曰

中犯乘守太子星天下大赦 又占曰熒惑中犯乘守

心明堂成鈞已為大人憂近期十月遠期三年以赦令解之海中占曰熒惑留逆犯守乘凌心星王者宮中亂臣下有謀易立天子者權在宗家得勢大臣

熒惑犯尾六

文曜鈞曰熒惑入尾三月客兵聚 郝萌曰熒惑入尾宮中有讒諛之臣 又占曰熒惑入尾箕九州當之甲乙日入東方有咎丙丁日入南方有咎戊己日入中央有咎庚辛日入西方有咎壬癸日入北方有咎 荊州

占曰熒惑入尾縑帛貴將相人民離其城郭 東官候

曰熒惑入尾後宮有憂后惡之一曰幸臣亂宮 郝萌

曰熒惑逆行尾者失火一曰大水 荊州占曰熒惑逆

行尾其君淫汰 郝萌曰熒惑在尾與辰星相近天下

牢開大赦 文曜鈞曰熒惑繞尾踟躕則以妾為妻

荊州占曰熒惑入尾犯乘之天下有戰兵 河圖曰熒

惑居尾陽其國有喜居陰有憂 黃帝占曰熒惑留尾

箕臣下淫亂 郝萌曰熒惑舍司空三十日馬多死一

曰牛多死一曰藹大貴 齊伯曰熒惑出入留舍尾其
國且無人兵雖起不用吉其國繕城郭 石氏曰熒惑
守尾歲多妖祥 甘氏曰熒惑守尾皇后恐又曰人民
為變國易政兵始動 巫咸曰熒惑守尾天下大饑人
相食一曰留十日后忌 巫咸曰熒惑守尾下凌上君
弱臣強姦臣賊子謀弑其主人民多死喪又曰后宫干
政又曰以十月守尾中央六十日天下發兵車騎行守
端三十日發士卒 又占曰熒惑守尾人君為憂大臣

作亂者反逆從大將家起期二十日 郝萌曰熒惑入
守尾天下稱兵 又占曰熒惑守尾二十日宮中匿謀
嬪妾有讒后者一曰滿二日光明相及為女主 荊州
占曰熒惑守九江赤地千里人民流亡穀貴三倍藥草
再倍布貴臣有毒弑其君大臣反守尾宮中匿謀后妾
相妬三公九卿姦大將有反 玄冥占曰熒惑守尾後
宮有相害者期百二十日又曰熒惑守尾舟船相望
郝萌曰熒惑守尾箕九卿當之期二十日 春秋緯曰

熒惑逆行守尾久者有兵起車騎聚於道大臣宮人為
亂國易政 郝萌曰熒惑犯守尾為女主夫人妃后惡
之 又占曰熒惑留逆犯守乘凌尾皇后有以珠玉簪
珥惑天子者誣讒大起后相貴臣誅宮人出走兵起宮
門

熒惑犯箕七

春秋緯曰熒惑犯箕女主宮人有憂 郝萌曰熒惑犯
箕天下國相擊男不得耕女不得織牛馬大死 春秋

緯曰熒惑入箕主失位又曰天下大亂兵起

紫字書天文志曰晉

永康元年八月熒惑入箕明年趙王篡位改元年尋為大兵所滅

石氏曰熒惑入箕

箕中一星民莫處其室養者星在箕南旱在箕北有年

在箕踵者歲熟 巫咸曰熒惑入箕中伺其出日而數

之期二十日兵發伺始入處之率一日期十日軍罷

荊州占曰熒惑入箕盜大起多鬪死者歲不熟 又占

曰熒惑入箕后族有口舌事期六月入箕中倉粟出

石氏曰熒惑出箕穀大貴天下大旱饑死 郝萌曰熒

惑出天梁守箕大赦 又占曰熒惑逆行箕失火諸侯
相謀 春秋圖曰熒惑之箕有小赦 郝萌曰熒惑舍
箕用事者坐之 又占曰熒惑舍司空三十日牛車大
出馬牛大死藹大貴又曰留守箕後宮干政若有憂又
曰臣下淫亂 又占曰熒惑出入留舍箕天下有兵事
君臣屬騎相連吏民相攻其國失地二百里又曰禾豆
不成 黃帝占曰熒惑守箕左歲惡天下勞 又占曰
熒惑守箕燕王有疾一曰內變 文曜鉤曰熒惑守箕

主恐又曰人民饑糟糠又曰其國更市 又占曰熒惑
守箕天下分離臣子謀咎在人主自恣 孝經緯曰熒
惑守箕多土功事小旱雨澤霜露不時歲為中 荊州
占曰熒惑十月守箕天下大赦守箕前其國惡守後糴
貴三倍 石氏曰熒惑守箕主惡 海中占曰熒惑守
箕大旱 海中占曰熒惑以十月守箕名曰火入水萬
民饑死穀價五倍天下大赦 郝萌曰熒惑守箕貴臣
亂其國主有淫事一曰攻急 又占曰熒惑守箕貴人

多病死一曰主恐又曰地動守三月彗星出 又占曰
熒惑守箕歲水 又占曰熒惑守箕若留止箕口中兵
起有兵罷 荊州占曰熒惑守箕有大淫事九卿當之
若狐貉有憂 黃帝占曰熒惑入箕中守之天下兵起
吏民相攻士卒半死人民流亡不居其鄉其國失地
巫咸曰熒惑入箕去復還守之貴臣有誅亂主者國有
土功之急貴人多死大水萬里澤為海橋梁不通 郝
萌曰熒惑入箕中若守箕宮中口舌之事倉穀出三月

六月又占曰熒惑入箕去復還守之天下饑期不出
三年中荊州占曰熒惑入箕守之若犯乘箕牛馬多
疾北夷來降



唐開元占經卷三十一

欽定四庫全書

子部

唐開元占經卷三十三

詳校官中書臣李采

靈臺郎臣倪珽梅履勘

總校官編修臣王煦緒

校對官庶吉士臣潘曾起

謄錄監生臣任楫文

欽定四庫全書

唐開元占經卷三十二

唐

瞿曇悉達撰

熒惑占三

熒惑犯北方七宿

熒惑犯南斗

石氏曰熒惑犯南斗為赦又曰破軍殺將海中占曰

熒惑犯南斗且有反臣道路不通丞相有事

案司馬彪
天文志曰

孝順永和二年八月庚子熒惑犯南斗明年五月吳郡太守羊琇等起兵反殺吏民燒宮室太守王衡拒殺琇等又江賊蔡伯流等數百人攻廬陵九江燒滅城郭殺都尉

聖洽符曰熒惑入南

斗口將相有謀反者 石氏曰熒惑入南斗三月吳王

死二月王后死一月相死不死出走又曰大國之臣外

內謀大亂

案宋書天文志曰吳王赤烏十三年五月熒惑北至逆行入南斗犯魁第二星而東大元

二月推薨是時王陵謀立楚王彪晉太安二年正月熒惑入南斗七月右衛將軍陳旻率眾奉帝伐成都王大

軍敗績兵逼來興九月王又攻成都王於鄴鄴兵潰成都由是衰亡帝還洛張方又脅如長安時天下盜賊群

起張昌尤甚

甘氏曰熒惑入南斗中國大亂兵大起

司馬彪天文志

曰孝順嘉平元年十月熒惑入南斗中其十一月會稽賊詐昭聚衆自稱大將軍昭父生為越王攻破郡縣也

熒惑入南斗口中大臣反被誅者若將相出走 郝萌

曰熒惑入南斗國饑熒惑入南斗口中立太子期不出

百二十日熒惑入南斗天下受爵祿期六十日若九十

日熒惑逆行三芒入斗口中必有亡國死王 玉歷曰

逆行角入斗口中必有大喪 郝萌曰熒惑行南斗有

土功事 海中占曰熒惑逆行南斗怒動大明天下大

驚 郝萌曰熒惑過南斗出斗上行疾天子憂出斗下

行疾臣有憂 春秋緯曰熒惑入南斗先潦後大旱

郝萌曰熒惑留南斗無功者賞 甘氏曰熒惑舍南斗

之西木葉不實 海中占曰熒惑舍南斗環繞成鉤已

太尉上卿宰相死 郝萌曰熒惑舍南斗之東天下大

戰一曰守三十日其君憂 玉厯曰熒惑出入留舍斗

魁之中五日不下天下有兵將軍國易政改元不出一

年有兵事 黃帝占曰熒惑守南斗百日五穀出婦女

轉漕若有諸侯客來見天子者 熒惑守南斗糴貴又

曰七日以上太子疾十二日以上庶子當之又曰去復還守之吳越有憂期不出三年 河圖曰熒惑守南斗

宰相坐之有兵罷 熒惑逆行守南斗山崩又曰兵車

合國君為帥 石氏曰熒惑守南斗百二日大赦 巫

咸曰熒惑入南斗若留守所守之國當誅 五行傳曰

熒惑與斗晨出東方因留守斗其國絕嗣 漢書景帝元年七月丙戌

熒惑在斗晨出東方留守斗後三年吳王漢 熒惑守南

斗為亂為賊為喪為兵守之久其國絕嗣 熒惑守南

斗是時南越王趙嬰齊將入朝漢其相呂嘉不願內屬
乃殺其王及王太后舉兵反漢遣六將軍將兵誅之遂
滅其國置交州為七郡也

海中占曰熒惑守南斗旱多火災 郝

萌曰熒惑守南斗留二十日大人憂守三十日有德
令 郝萌曰熒惑以十月守南斗三十日民介冑不出
一百日其國有亡兵 熒惑守南斗有內變期一年

熒惑守南斗地動嬰兒多疾死關梁不通留二十日以
上出復大人憂期五月 陳卓曰熒惑守南斗五穀不
成期百二十日又曰熒惑守南斗且有廢臣天下大亂

道路不通一曰上官吏死

熒惑犯牽牛二

郝萌曰熒惑犯牽牛其國之君必有外其大臣 陳卓
曰熒惑犯牽牛臣謀主 石氏曰熒惑入牽牛中四月
越主死 巫咸曰熒惑入牽牛糴大貴 二十八宿山
經注曰熒惑入留牽牛三日不出越王為強兵所逐
陳卓曰熒惑入牽牛三月若四月齊王死一曰晉王當
之 郝萌曰熒惑乘牽牛為天下有大水起穀貴人相

棄於道 挺輔占曰牽牛為令天下者熒惑居陽則喜
居陰則憂 海中占曰熒惑出入留舍牽牛春旱秋水
一曰關梁不通 齊伯曰熒惑出入留舍牽牛三十日
不下薪蒿有急牛且大貴進行十度以上至三十度不
出百六十日容兵來 黃帝占曰熒惑守牽牛民為亂
貴人多死 石氏曰熒惑守牽牛民餓有自賣者 巫
咸曰熒惑守牽牛為多火災又曰牛大疫多有死者灾
非一國牛貴十倍石氏曰三倍道無行牛一曰當有稅

牛之役 海中占曰熒惑守牽牛為旱 熒惑守牽牛

有急行又曰歲多雨露 郝萌曰熒惑十月守牽牛不

十日兵大起 熒惑守牽牛若有穀畜產事 熒惑守

牽牛有犧牲之事有反逆者從中起有走軍死將期一

年 案宋書天文志曰晉成帝咸康元年六月乙亥火犯牽牛中央星建元二年征西將軍庾亮薨 荆

州占曰熒惑守牽牛三十日以上人相食 北官候曰

熒惑守牽牛二十日以上有反逆者牛車用期四十日

若七十日 聖洽符曰熒惑入守牽牛歲大水津河不

通五穀大傷其歲不中 郝萌曰熒惑入牽牛中出守牽

牛之南有大赦期二十日荊州占曰熒惑以春二月三月

留牽牛相守者葛鵲貴至八月止 又占曰熒惑犯守

牽牛大星臣謀主諸侯將兵大人憂之其國亂人民饑

甘氏曰熒惑犯牽牛留守之有破軍殺將 海中占

曰熒惑犯守牽牛諸侯多疾

熒惑犯須女三

帝覽嬉曰熒惑犯須女若守之三十日不下女主有病

黃帝占曰熒惑入虛東一曰居其左右君恐失火

荆州占曰

君有大事

文曜鉤曰熒惑入虛咎在毀傷 石氏曰熒惑

入虛中三月齊王死入旬相死不死出走 巫咸曰熒

惑入虛中伺其出日而數之期三十日為兵發伺始入

處之變一日期十日軍罷 郝萌曰熒惑入虛逐功臣

一曰牛車貴 荊州占曰熒惑入虛天下有變諸侯有

死者有罷軍破將天下更政令期一年 陳卓曰熒惑

在虛東東藩旱在虛南楚地旱在虛西廬江旱在虛北

遼東遼西旱 郝萌曰熒惑入虛成鈞己天下大亂政
急大人憂以戰不勝一曰有德令 春秋緯曰熒惑留
虛有以喪徭 郝萌曰熒惑留虛群臣不尊敬祭祀女
主不謹 熒惑留虛三十日其君臣憂 熒惑舍天府
天下喜賜諸侯王又曰舍天府門中央天下赦 齊伯
曰熒惑出入留舍虛之間憂在齊其國治城郭兵來期
不出十年中敗 黃帝占曰熒惑守虛赤地千里人相
食 熒惑守虛大臣為亂百姓多疾 聖洽符曰熒惑

守虛百二十日以上諸侯增土地將有慶賜爵封者

春秋圖曰熒惑守虛五穀大貴吏民死解 石氏曰熒

惑守虛將軍及兵發起天下更令

晏子春秋曰熒惑守虛期年不去公問晏

子曰孰當之晏子曰齊當之公不悅曰天下大國十二

齊何以獨當之晏子曰虛齊分野且天下之殃固於富

強為善不用出政不行賢人使遠讒人反昌百姓疾怨

是以列舍無次熒惑逆行行公曰可去乎對曰出冤聚之

獄使反田矣散百官之財施之民矣賑孤寡而敬老人

若能是者惡可去何獨孽乎公曰善行之三日而熒惑

遣 郝萌曰熒惑守虛危有土功事九十日天下亂歲

大饑 甘氏曰熒惑守危以人民為變天下大水 郝

萌曰熒惑守危以民流多死一曰女子多死 玉厯曰
熒惑守危以水火入多疾疫若有土功修治陵廟期不
出年 黃帝占曰熒惑入虛而犯守之天子自將兵流
血滿野必有死國死王期三年 郝萌曰熒惑犯守虛
有土功之事一曰合於虛土功當舉 石氏曰熒惑犯
守虛天下有變更令者百姓多疾歲旱不熟赤地千里
穀糴踊貴穀粟三倍

荊州占
曰十倍

熒惑犯危五

荊州占曰熒惑犯危天下大亂 黃帝占曰熒惑入危
大赦天下 石氏曰熒惑入危賊臣起 熒惑入危中
三月齊王死不死出走 郝萌曰熒惑入危中天下有
變更之令又曰入天府天子臨府事 黃帝占曰熒惑
入危越地亡 郝萌曰熒惑逆行危其君簡祭祀 熒
惑入危留之以過復還留之大人當之 熒惑留危群
臣不敬宗祀 熒惑舍天府天子賜諸侯王舍門中天
下放 熒惑出入留舍危其國繕城郭而起兵 巫咸

曰熒惑出入留舍危國中大亂吏民相攻 熒惑守危
大國有憂人民為變國易政不出其年天下大疾死者
不葬 熒惑守危國為政者急 黃帝占曰熒惑守危
大臣為亂 文曜鉤曰熒惑守危民多疾疫歲旱不熟
天下大饑兵起 海中占曰熒惑守危春旱秋多水災
郝萌曰熒惑守危大人變常 熒惑守危賓客有事
死 熒惑守危宮地震裂 熒惑守危為大人蓋屋事
荊州占曰熒惑守危南方有兵諸侯有死者庫室有

繕者 陳卓曰熒惑守危宮多火災 北官候曰熒惑

守危有土功饑兵起諸侯相謀 石氏曰熒惑守危守

之三十日不下有立宮廟哭泣之事六十日不下國易

政 荊州占曰熒惑入危乘守二十日若九十日東方

兵起國有死者歲旱不熟糴十倍民食草木嫁妻賣子

牛羊倍價 熒惑乘危天下大亂 北官候曰熒惑入

危留守三十日若九十日天下易政咎以入日占 黃

帝占曰熒惑入危諸侯王謀大兵起天下易變若有

土功守上星為人民死守中星諸侯死守下星大臣死
期百八十日 郝萌曰熒惑守墳墓為人主有哭泣聲

熒惑犯營室六

郝萌曰熒惑犯營室者犯陽為陽有急犯陰為陰有急

石氏曰熒惑犯營室以賤人為役 熒惑入營室中

入三月衛君死入五月相死不死出走 荊州占曰熒

惑犯乘營室諸侯相攻大戰糴倍 甘氏曰熒惑入營

室大臣匿謀 巫咸曰熒惑入營室臣伐主一曰有兵

兵罷 郝萌曰熒惑入營室壁中有惡謀 熒惑入營

室中賊臣起非盜乃客期六十日 荊州占曰熒惑入

營室齊國有兵諸侯若民多死歲不收期十月 聖治

符曰熒惑逆行營室成鈎己天子失宮殿大臣為亂兵

大起 石氏曰熒惑逆行營室環繞之三十日有破國

六十日不下有崩王吳太子死期一年中二年遠三年

石氏曰熒惑逆行經犯營室臣謀兵起 河圖曰熒

惑居營室兩軍相據當相和不相和有殃罰 荊州占

曰熒惑經營室中諸侯兵相謀 洛書曰熒惑入營室

留守之大人有憂臣有陰欲殺主者後宮有大變期不

出年 黃帝占曰熒惑入營室中天子宮也留二十日

已上天子惡之

郝萌曰天子失位也

期不出十月中其經之大臣

伐主 海中占曰熒惑入營室留二十日天子死守其

南皇后死

郝萌曰忌

守其西太子死

郝萌曰忌

守其北為諸侯有

死者 郝萌曰熒惑留營室六月大人憂期百日 陳

卓曰熒惑留營室后死一曰臣下欲為賊 北官候曰

熒惑舍營室大人死復居久者三年禍發中二年近一
年居其陰萬家邑拔千家邑敗掠居其陽千家邑拔萬
家邑亡 郝萌曰熒惑出入留舍營室中有客來欲見
君者其歲多土功 河圖曰熒惑守營室火起後宮有
變赤色怒赤而環之成鈞己乃有咎不然無咎必察喜
怒以決吉凶 元命包曰熒惑守營室群妃鬪 文曜
鈞曰熒惑守營室專於妻妃 石氏曰熒惑守營室天
子為軍自守王者有水災糴貴 又曰守三月王者崩

及立王 甘氏曰熒惑守營室客燒主人將軍凶亦有
誅必有逆兵主將去之有禍又曰人民為變守之三十
日以上天子死 巫咸曰熒惑守營室旱五穀不成多
火災 海中占曰熒惑守營室人民疾疫多死亡 郝
萌曰熒惑守營室人君攻宮室為土功事又曰以正月
守營室三月若五月有大旱之灾天下大饑 石氏曰
營惑入若守天宮四十日諸侯轉粟千里各虛 文曜
鉤曰熒惑入守犯營室以內淫近色及天殃皆不以命

終王者惡之 郝萌曰熒惑犯守營室中皆有土功事
黃帝占曰熒惑守離宮正東為父守正西為母守正
北為妻守正南為子守舍星為身其焰赫赫其國離易
期三年遠五年兵起

熒惑犯東壁七

春秋圖曰熒惑入東壁百九十日且服勞 文曜鉤曰
熒惑入東壁大臣為謀人主自將兵賊臣內起天子以
兵自守 石氏曰熒惑入東壁中三月衛君死入五月

相死不死出走 甘氏曰熒惑入東壁有匿謀 郝萌
曰熒惑入東壁九州當之甲乙日入東方有咎丙丁日
入南方有咎戊己日入中央有咎庚辛日入西方有咎
壬癸日入北方有咎 熒惑入東壁民疾 荊州占曰
熒惑入東壁大臣有謀殺者 北官候曰熒惑入東壁
天下以食為憂 海中占曰赤星入營室東壁大臣凌
主 河圖曰熒惑入東壁兩軍相據當相和不相和有
殃罰 郝萌曰熒惑出入留舍東壁三十日不下五穀

貴民流亡不居其鄉六十日不下兵至其國 黃帝占

曰熒惑守東壁言政事者誅術士不相隱藏內外相諧
以相勝正三軍亦大起兵 巫咸曰熒惑入東壁歲不

熟萬物不成 海中占曰熒惑守室壁宮失火一曰旱

五穀不成一曰兵民多死 郝萌曰熒惑守東壁為天

下兵起一曰伏兵起又曰為大人衛守又為多水若歲

晚水或西方有憂 熒惑守東壁三十日其君憂二十

日大赦 熒惑守東壁為有土功事 熒惑守東壁其

光潤澤大吉熒惑守東壁三十日不下三年兵起 荆
州占曰熒惑守東壁人主自將兵糴石至千又曰文章
者傷 郝萌曰熒惑守東壁諸侯相謀 陳卓曰熒惑
守東壁王者大災 北官候曰熒惑守東壁守其南主
后死守其西天子死守其北諸侯死守其東大人自將
兵 熒惑守東壁臣下不明 巫咸曰熒惑入東壁留
守之有土功 郝萌曰熒惑留守東壁臣下弄法二十
日以上賊臣起期十月 荊州占曰熒惑逆行守乘壁

女主自恐一曰民多疾 齊伯曰熒惑逆行守東壁成
鈞已有大兵加於衛其國無以待之若三月不下衛王
死不則出走

唐開元占經卷三十二

欽定四庫全書

唐開元占經卷三十三

唐瞿曇悉達撰

熒惑占四

熒惑犯西方七宿

熒惑犯奎一

黃帝占曰熒惑入奎中民多疾又曰亂臣弑其主文
曜鈞曰熒惑入奎主偏阿誅不決石氏曰熒惑入奎

中三月魯主死及國相死不死出走 北官侯曰熒惑
入奎成勾已及環繞之天子災宮殿期六月 海中占
曰熒惑潤澤出奎有喜令其變色入奎有偽令來者若
出奎有偽令出使者 巫咸曰熒惑從婁逆行至奎有
兵起 甘氏曰熒惑入奎環繞之三十日相死三月不
行其國王死不死出走期三年 石氏曰熒惑入奎留
二十日以上大臣有匿謀若國有伏賊期八十日若九
月 郝萌曰熒惑留奎臣下專權一曰霸者爭立 孝

經章句曰熒惑舍奎有兵起其民有自賣於縣邑者歲
為下 齊伯曰熒惑出入留舍奎天下且有爭言者不
且有伏士出者其國兵至加於魯之城其國無以得之
黃帝占曰熒惑守奎農夫不得耕 春秋圖曰熒惑
守奎天下有叛者 感精符曰熒惑守奎庫兵當起車
騎用國有死君歲多獄事 石氏曰熒惑守奎兵起北
夷侵邊一曰粟有補於民 甘氏曰熒惑至奎其國相
譖天下懷憂父子不相信君隔臣蔽又曰民多疾 熒

惑守奎搖動進退為赦又曰天下有水民多死 巫咸
曰熒惑守奎天下大水 海中占曰熒惑守奎其國坐
之三十日不下其君憂 郝萌曰熒惑守奎多獄關梁
不通人曰女淫 熒惑以二月守奎百日多出盜又曰
女子多乳死者 熒惑守奎為溝瀆事一曰有水事

荊州占曰熒惑守奎為王者憂一曰大人當之 熒惑
守奎兵起車騎滿野貴人多病若有死者菽粟貴一曰
歲大熟 西官候曰熒惑守奎二十日以上大臣有謀

國有兵若有死王兵加於魯國之地期一年 熒惑守
奎其國諸貴為孽國有大賊謀在近臣近期三月遠期
九月 熒惑守奎兵官當之期百二十日又曰熒惑以
二月守奎多盜賊來二千石多調役之事 石氏曰熒
惑守奎色正明留二十日以上下有兵 荊州占曰熒
惑逆行守奎女子多暴死

熒惑犯婁二

石氏曰熒惑入婁中三月魯主死八旬相死不死出走

熒惑入婁而守之天下有聚衆兵大起車騎用必有
死君走相天下不熟飢非一國若山林有大盜路不通
期一年遠二年 甘氏曰熒惑入婁國有兵人民多死
荊州占曰熒惑入婁天下有聚衆近期四十日遠期
二百四十日兵大起車騎用 西官候曰熒惑起芒角
而入婁國且有焚燒倉庫之災 石氏曰熒惑逆行入
婁成勾己國有焚燒倉廩庫之災若逆行至奎大兵起
臣謀君將軍為亂期不出年 荊州占曰熒惑留婁獄

多奸 郝萌曰熒惑出入留舍婁中守之色赤而光明
胡人為凶 齊伯五星占曰熒惑出入留舍婁其國必
有名者死 石氏曰熒惑守婁即庫兵動民多死 熒
惑守婁為有白衣之會 甘氏曰熒惑守婁有大臣不
當其位損常制亂政者又曰有水殃民多疾 巫咸曰
熒惑守婁中民病大水金銀貴 熒惑守婁旱為多火
災五穀貴 郝萌曰熒惑守婁有兵北夷侵邊道不通
又曰關梁不通霸者爭立又曰大赦天下又曰北主死

又曰牛多死牛大貴 熒惑以二月守婁百日多山盜
一曰女多乳死 熒惑守婁之南大赦 荊州占曰熒
惑守婁歲大飢若收財物 陳卓曰熒惑守婁二十日
以上宮中大臣死期八十日 玉歷曰熒惑守奎婁有
名人死民多疾 百二十占曰熒惑守婁車騎發有死
軍一曰貴人當獄事 海中占曰熒惑入若守婁天子
受賀期三十日遠八月 郝萌曰熒惑入守婁其國坐
之一曰守三十日其君憂

熒惑犯胃三

郝萌曰熒惑犯胃為天下穀無實以食為憂 熒惑犯胃為國有暴兵伐中國者 石氏曰熒惑入胃主死入三旬王后死 甘氏曰熒惑入胃二十日天下有兵亂倉粟出 郝萌曰熒惑入天府法令更 荊州占曰熒惑入胃國有匿謀其事不行 熒惑以三月入胃進退犯凌百日以上天下倉廩不實國有大兵流血千里二十八宿山經曰熒惑黃黑繞環胃昴畢憂多疾死

春秋圖曰熒惑之胃賤人當有封者 石氏曰熒惑舍

於胃天下大飢有轉粟之令 黃帝占曰熒惑守胃糴

大貴 河圖曰熒惑守胃其年旱飢民多疫疾倉粟大

出 文曜鉤曰熒惑守胃其國貴人戮死賤人當貴一

曰大人有入牢獄者 石氏曰熒惑守胃其年旱飢民

多疾王者行仁則大吉

甘氏曰王者行仁則熒惑去也

以火尅金以仁教

義天下無咎 熒惑守胃天下藏府有火災 甘氏曰

熒惑守胃有水殃 海中占曰熒惑守胃三十日其君

憂 郝萌曰熒惑守胃大臣不愛百姓一曰牢獄空

荊州占曰熒惑守胃銅貴 西官候曰熒惑守胃若其

中星衆者則粟聚星少粟散 石氏曰熒惑入胃而守

之三十日不下趙地大急人民半死大兵起客軍敗主

人勝期不出一年 巫咸曰熒惑入若守胃東出民擾

郝萌曰熒惑入若守胃牛疾 熒惑入若守胃若天

倉四十日旱 陳卓曰熒惑入犯守胃貴人有死者若

貴人子繫獄 聖洽符曰熒惑逆行守胃天下有急兵

人民飢倉廩用有賦歛之憂若有火災

熒惑犯昴四

巫咸曰熒惑犯昴若入之中國有邊警匈奴大出四夷

兵起國有憂

案晉書天文志曰晉成帝咸和六年十一月熒惑守胃昴八年七月石勒死石虎自

立多所殘滅是時雖勒虎偕號而其強常占昴不關太微紫微宮

文曜鉤曰棄法律

熒惑入昴 石氏曰熒惑入昴天子有急令 郝萌曰

熒惑入昴天下大安無兵有兵亦罷四月五月大赦近

期十五日遠期三十日赦又曰不可為害一曰貴人多

戮死 巫咸曰熒惑入昴畢中一八一出即有大兵可

立而待 郝萌曰熒惑逆行入昴成勾已天下大赦期

八十日 洛書曰熒惑入昴二十日不下國有大衆甲

兵大起將軍有出者

巫咸曰期六十日遠六月

歲大旱人飢 海中

占曰熒惑入昴留二十日以上牛馬多疾 郝萌曰熒

惑留昴典吏多為奸者 甘氏曰熒惑舍昴天下多大

賊 郝萌曰熒惑舍昴天下多賊歛 巫咸曰熒惑出

入留昴赤色而光因犯以行邊地多警不出三月軍起

在其西北八百里 齊伯占曰熒惑出入留舍犯昴多

有立屋室且有兵 黃帝占曰熒惑以春三月守昴夏

早夏守秋早秋守冬早冬守春早熒惑守天獄赦 河

圖曰君苛政擾民苦其誅愁氣布則熒惑守昴六月大

怪 孝經章句曰熒惑守昴天下多獄其政煩雨澤不

時歲為中 巫咸曰火犯守昴四夷兵起 甘氏曰熒

惑守昴無罪者誅

案石虎列傳曰十一年冬熒惑守昴五十餘日不移太史令趙攬奏昴趙

分也熒惑舍留分其王惡之宜以朝廷寵貴大臣姓王者當之虎於是假以他罪誅中書監王浚欲以消咎於

是議者進以宋景三吐仁君之言熒惑退舍夫
修短分定命不可延而殺人求福不亦悖乎

巫咸

曰熒惑守昴天下多火災萬物不成人民疾多死 海

中占曰熒惑守昴邊境不寧 熒惑守昴憂在大人

郝萌曰熒惑守昴大人为亂天下謀主大將出反國政

不安一曰多獄事大將有囚者又曰地裂山崩又曰守

一二日相死火以夏三月守昴至秋糴貴 熒惑守昴

男子有急一曰女子有急 熒惑守昴當有津河發事

熒惑以二月守昴百日其國有流民 荊州占曰熒

惑守昴東齊越負兵守其南荆宋負兵守其西秦鄭負兵守其北燕趙負兵 熒惑守昴星色大而黃馬牛貴

西官候曰熒惑守昴鬼多死春三月旱牛馬皆死

熒惑守昴大將有外出者若憂旱野有流血大將死士卒病 百二十占曰熒惑守昴且有急令諸侯謀道不通陽為中國陰為四夷若陰國有憂 石氏曰熒惑若以三月守昴皆百二十日其國有白衣之聚 巫咸曰熒惑守昴以去後反守之有臣為天子破匈奴者期三

年 荊州占曰熒惑若守昴北主哭厥王死

宋書天文志曰晉成

帝咸和八年七月火入昴是月石勒死

春秋圖曰熒惑經昴畢之間而

守之三十日不出即馬踴其足群兇相續婦兒哀哭無所止屬民食不足人相食 西官候曰熒惑犯守昴中民疾病一曰赦獄訟疑出囚 郝萌曰熒惑中犯乘守昴兵北征匈奴又曰為天下有禍一曰逆臣為亂

熒惑犯畢五

黃帝占曰熒惑犯畢右角大戰犯畢左角小戰 熒惑

犯畢出其北為陰國有憂出其南陽國有憂 海中占

曰熒惑犯畢國有敗獵之事 黃帝占曰熒惑入畢中

國君有衛守 文曜鉤曰熒惑入畢而出之有赦令一

曰有德令爵祿之事期一百八十日 巫咸曰熒惑入

畢將相憂一曰國相亂 熒惑入畢中各伺其出日而

數之二日期二十日為兵發伺如入處之率一日期十

日軍罷 郝萌曰熒惑入畢中有女主喪 熒惑入畢

中有大赦令期十五日若三十日將若相憂若其國有

白衣之聚期不出一年 熒惑入畢為憂兵其國易主

王歷曰熒惑入畢將相有咎 郝萌曰熒惑出畢中

央主也出旁臣也其行徐憂其行疾無故 石氏曰熒

惑出畢陽則旱出陰則水為政令不行 五行傳曰熒

惑行畢至昴為死喪

案漢文帝七年熒惑東行行畢陽還畢東北西而逆行至昴南而東

行後四年趙王與七國謀反北連匈奴誅死之應

河圖曰熒惑在畢畢天空

也不可為人客為人客者殃罰 春秋緯曰熒惑之畢

有德令 郝萌曰熒惑與畢合併光主必亡 熒惑留

畢昴問天下道路塞關梁不通 熒惑入畢中留二十
日以上兵起期四十日若三月 西官候曰熒惑留畢
臣獵不當 甘氏曰熒惑舍畢其國多枉刑 郝萌曰
熒惑舍畢口六十日貴人誅死一曰貴臣有夷族者一
曰貴臣有餓死者 熒惑舍畢之口其國滅無後
熒惑舍畢輔太子奉蕃國 熒惑入舍畢邊有兵 熒
惑出入舍留畢左右明年小旱又曰明年天下有失地
之君 齊伯曰熒惑出留舍畢中軍起三年若居其左

右兵起其野禾豆不入歲小旱必有失土之君 春秋

緯曰熒惑守畢口即馬馳人走天下有急兵國有敗傷

人民流亡 文曜鉤曰畋獵不時熒惑逆守畢 甄曜

度曰熒惑守畢將相有憂白衣之會

郝萌曰期在歲中
案宋書天文志曰

熒惑守畢占曰萬民飢後大官多喪公
主薨亡天子舉哀相繼歲大旱民飢

石氏曰熒惑

守畢天子虐國多枉刑 甘氏曰熒惑守畢邊兵大驚

侵凌中國倉穀出又曰敵兵起 郝萌曰熒惑守畢不

出二十日若三十日大赦一曰成勾已赦一曰環繞之

赦 熒惑守畢有亡國又曰天下多盜一曰大帥將兵
期二十日邑驅掠 熒惑守畢太歲子午卯酉有兵

熒惑守畢三十日其君憂若以四月守畢踵大人憂之

石氏曰熒惑守畢有大兵大師為亂 郝萌曰熒惑

以四月守畢百日匈奴有降王三十日男子有貴爵命

若有赦令 熒惑入畢已去復還守之諸侯女子貴臣

有誅者期不出三年 荊州占曰熒惑守畢有走君

熒惑守畢踵人民駭走去家千里兒婦啼哭無所觸抵

留一月大兵連薄留二月二年戰留三月三年戰三月
以上易政 熒惑入畢去復還守之有吏臣為天子破
匈奴者期三年 熒惑逆守畢兵大起馬頓蹄牛運其
角婦兒碌碌無所止屬萬民去其處飢於菽粟人相食
若其國正不安其留二十日以上貴人當有掠者期七
十日越地凶 河圖曰熒惑入畢留守之六十日不下
有女主之喪大臣諸侯相謀邊兵起若有戰期一年
陳卓曰熒惑犯附耳為兵起若將相有喪憂不即免退

熒惑犯觜觿六

石氏曰熒惑犯觜觿其國兵起天下動移 甘氏曰熒惑入觜中天下有善政 郝萌曰熒惑入觜觿中伺其

出日而數之期二十日兵發伺始入處之率一日期十

日軍罷 甘氏曰熒惑出觜觿間天下亂西方大得東

方大失

西官候曰東方吉西方凶

春秋圖曰熒惑之觜觿大臣且

有憂 石氏曰熒惑以觜觿合趙相死 郝萌曰熒惑

以觜觿合無光主必亡 荊州占曰熒惑留觜觿誅罷

不行 熒惑出入留舍觜觿君臣將兵 黃帝占曰熒

惑守觜觿將軍反天子之軍破牛馬有急行 黃帝占

曰熒惑守觜觿參國有喪期六十日若糴貴 文曜鉤

曰逐功臣熒惑守觜參 石氏曰熒惑守觜觿西方客

動侵地欲為君王崇禮以制義則國安一曰西羗兵起

熒惑守觜觿君臣和同 甘氏曰熒惑守觜觿萬物

不生天下愁悲 巫咸曰熒惑守觜觿旱多火災五穀

不成天子不可動兵 巫咸曰熒惑守觜觿有石墮其

野者一曰有怪石以入日占何國 熒惑守觜觿穀貴入
之石二百不入石一百 海中占曰熒惑守觜觿其國
有憂 郗萌曰熒惑守觜觿參棄法律又曰小民多傷
熒惑犯守觜觿不出三十日有兵 熒惑守觜觿國
易政天下多不孝子父子相關鐵器貴一曰禾貴 西
官候曰熒惑守虎首一日為十日以上天下兵起斧鉞
用 齊伯曰熒惑守觜觿害國之君將兵入於秦之域
矣六畜大疫山谷盡空 春秋圖曰熒惑守觜觿有兵

起將為亂若有急令天下斧鉞大用不出百八十日

黃帝占曰熒惑犯觜觿野多反者斧鉞用 郝萌曰熒惑犯觜觿而守之六十日其國有喪大臣有誅被逐者萬物不生天下飢穀大貴

熒惑犯參七

黃帝占曰熒惑犯參有大將反者兵大連精四方相射王者不安轉徙宮室 石氏曰熒惑犯參左肩大戰星角明大天下之兵卒起而強微細天下兵弱 說題辭


曰熒惑入參主威下國廢 文曜鉤曰熒惑入伐有兵
戰守之五日以上大將死 郝萌曰熒惑入參若伐天
子憂市一曰君國失市 春秋緯曰熒惑逆入參成勾
已天下大亂天子失度大人憂若環繞之主命惡若有
大喪期一年遠三年 荊州占曰熒惑逆入參必有一
國之君餓若戮死者 春秋圖曰熒惑之參將有憂
郝萌曰熒惑南至參將必有下獄者 甘氏曰熒惑舍
伐不出三旬大赦 郝萌曰熒惑宿參若伐直橫者為

有反臣中兵 熒惑入參一月相死二月后死三月君
死 西官候曰熒惑入參留二十日以上兵戰出期七
十二日若十月若有喪小兒多傷 郝萌曰熒惑逆行
若留止衡中為兵軍起 熒惑出入留舍參中天子宮
中兵起 黃帝占曰熒惑守參多霜雹 河圖曰熒惑
以四月守參其國兵起兵起宮中戰有功若封侯者五
月守之大人有憂下獄者 孝經章句曰熒惑守參兵
大殺千里之行淮主亦驚牛馬多死雨澤不時歲為下

石氏曰熒惑守參大將軍反天子之軍破牛馬急行
麥大貴人相食 甘氏曰熒惑守參王者不安徙宮室
巫咸曰熒惑守參有怪石墮其野以入內占 熒惑
守參旱多火災萬物五穀不成其國有憂 海中占曰
熒惑守伐五日人主死 郝萌曰熒惑守參足下五日
糴暴賤二十日以上糴大賤三十日有赦一曰四月守
參三十日赦 熒惑守參為大人當之 荊州占曰熒
惑以四月守參天下金貴 郝萌曰熒惑守伐百二十

日成勾已若環繞之大人惡之若有憂期六月 荊州
占曰熒惑守參白虎兵起鉞鉞用 陳卓曰火守伐天
下更正朔 西官候曰火守伐燕王當死其留二十日
以上大人惡之期六十日若秦地凶 甘氏曰熒惑守
參有赤星出參中邊有兵 石氏曰熒惑以四月守參
火入舍金錢發 熒惑入參守之二十日以上兵起於
野將軍出戰有死將石隕其野多反者 熒惑與龍星
並見參中天子更政有戮死臣 熒惑與彗星若妖星

見參伐天子更政妖星一名望能 郝萌曰熒惑經參
能見參伐大國君為臣所謀 熒惑與彗星見參大國
君不吉



唐開元占經卷三十三